



Forskrift om opptaksområde i Os kommune

Skulane i Os kommune

Vedtatt i Os kommunestyre 30.11.2018

Innhold

1	Forskrift om opptaksområde i Os kommune	3
1.1	Lovheimel for oppretting av opptaksområde/skulekrinsgrenser	3
2	Andre aktuelle føringar, sentrale og lokale.....	3
2.1	Sentrale føringar:	3
2.2	Lokale føringar:	4
3	Forholdet mellom sentralt lovverk og lokale føringar	4
4	Kriterier for vurdering av full skule/trinn.....	5
5	Kriterier for fastsetting av opptaksområde	5
6	Opptaksområde barnetrinn med endring frå skuleåret 2018/2019	6
7	Opptaksområde ungdomstrinn.....	17
8	Vedlikehald/justering av forskrift kapittel 6 og 7	18
9	Sakshandsamingsrutinar	18
10	Ansvarsfordeling.....	18
11	Vedtak om skuleplass for kommande 1. klassingar	19
12	Vedtak om skuleplass for kommande 8. klassingar	19
13	Utsatt eller tidlegare skulestart.....	19
14	Vedtak om skuleplass for tilflyttande elevar.....	19
15	Vedtak om skuleplass utanfor skulen sitt opptaksområde	19
16	Byte av skule grunna adresseendring	20
17	Utsetjing eller framskunding av skulebyte ved adresseendring	20
18	Vedtak om skulebyte etter Opplæringsloven § 8-1 fjerde ledd	20
19	Skulegang i andre kommunar eller gjesteelevar frå andre kommunar	21
20	Prinsipp ved endring av opptaksområde	21
21	Klagehandsaming	22
22	Iverksetjing av forskrift.....	22

1 Forskrift om opptaksområde i Os kommune

Fastsetting av forskrifta gjerast av kommunestyret i Os kommune.

1.1 Lovheimel for oppretting av opptaksområde/skulekrinsgrenser

[Opplæringslova §8-1](#) gjev kommunen høve å lage forskrifter for kva skule dei ulike områda i kommunen høyrer til:

«Grunnskuleelevane har rett til å gå på den skulen som ligg nærast eller ved den skulen i nærmiljøet som dei soknar til. Kommunen kan gi forskrifter om kva for skule dei ulike områda i kommunen soknar til. Kravet i § 38 første leddet bokstav c i forvaltningslova om kunngjering i Norsk Lovtidend gjeld ikkje.»

To eller fleire kommunar kan avtale at eit område i ein kommune kan sokne til ein skule i nabokommunen. Elles gjeld retten etter første ledd første punktum. Kommunane må gje likelydande forskrift om kva for område i kommunane som soknar til denne skulen. Kommunane skal opprette ein skriftleg samarbeidsavtale. Kommunestyret vedtar sjølv avtalen og endringar i denne. Samarbeidsavtalen skal minst innehalde fråsegn om:

- a) Opprekning av avtalepartane og kva kommune som skal drifte skulen som dei gitte områda soknar til
- b) Det økonomiske oppgjeret mellom kommunane, som kostnadar til skyssordning
- c) Varigheita på avtalen
- d) Reglar for å tre ut av og avvikle samarbeidet, og
- e) anna som etter lov krev avtale

Etter søknad kan eleven takast inn på ein annan skule enn den skulen eleven soknar til.

Ein elev kan i særlege tilfelle flyttast til ein annan skule enn den skulen eleven har rett til å gå på etter første ledd, dersom omsynet til dei andre elevane tilseier det. Grunnen til at ein elev kan flyttast, kan til dømes vere at eleven mobbar ein eller fleire medelevar. Før det blir gjort vedtak om å flytte ein elev, skal ein ha prøvd andre tiltak. Når det er nødvendig, kan eleven flyttast til ein skule utanfor kommunen, men ikkje slik at eleven må flytte ut av heimen eller at skuleskyssen blir uforsvarleg lang.

2 Andre aktuelle føringar, sentrale og lokale

2.1 Sentrale føringar:

Følgande delar av Opplæringslova har særleg relevans for forskrift om opptaksområde:

- [§ 2-1.Rett og plikt til grunnskuleopplæring](#)
- [§ 9a-2.Retten til eit trygt og godt skolemiljø](#)
- [§ 9a-4.Aktivitetsplikt for å sikre at elevar har eit trygt og godt psykososialt skolemiljø](#)

- [§ 9a-7. Det fysiske miljøet](#)
- [§ 15-1. Bruk av forvaltningslova](#)
- [§ 15-2. Særlege reglar om klageinstans](#)

2.2 Lokale føringar:

Fritt skuleval. Brukarorientert ordning for tildeling av elevplass ved annan skule enn nærskulen

Os kommunestyre legg til grunn at søknadar frå føresette om plass ved annan skule enn den eleven soknar til, handsamast på ein slik måte at den sikrar best mogleg ivaretaking av foreldreretten og den individuelle retten til å velje skule, og at dette skjer innanfor gjeldande lover, rammer og nødvendige fellesskapsomsyn.

Skuleskyss

For elevar som vel ein annan skule enn nærskulen vil skyssutgiftene normalt måtte dekkast av eleven sine føresette.

Tildeling av skuleplass – Rutinar for sakshandsaming

I Os kommune kan føresette søkje om skuleplass ved ein annan skule enn nærskulen. Skulane sin kapasitet og prognose for elevtal blir lagt til grunn for inntak. I opptaksområde til skular der elevprognosane viser ei forventning om kapasitetsutfordringar må skulane gjennomføre ein meir restriktiv praksis knytt til fritt skuleval.

3 Forholdet mellom sentralt lovverk og lokale føringar

Forskriftsheimelen er i hovudsak gjeve for å styre den kommunale saksbehandlinga, sikre likebehandling og skape føreseielegheit for innbyggjarane i kommunen. Forskrifta vil òg vere sentral ved klagebehandling, der kommunen blir gitt høve til å synleggjere for Fylkesmannen korleis nærskuleprinsippet blir ivareteke.

Forskrift om opptaksområde skal vere i samsvar med nærskuleprinsippet slik det kan tolkast ut frå lov og forarbeid, jf. [§ 8-1 første ledd](#) første punkt, samt [NOU:18 1995](#) og [Ot.prp. nr. 46 \(1997-98\)](#). Det ligg ikkje innanfor det kommunale handlingsrom eller sjølvstyre å fastsetje forskrifter i strid med nærskuleprinsippet.

Det er høve til å leggje vekt på kapasitet, både ved avgjerdsler av enkeltsaker og ved fastsetting av forskrift om opptaksområde. Etter Utdanningsdirektoratet si vurdering blir det aktuelt å legge vekt på kapasitet når det kan dokumenterast at ein skule er full.

Den lokale ordninga med forelda sin rett til å velje skule føreset at praktiseringa skjer innanfor gjeldande økonomiske rammer og at det ikkje utløyser behov for nye klassar. I opptaksområde til

skular der elevtalsprognosane viser at det kan forventast kapasitetsutfordringar på sikt, må skulane gjennomføre ein restriktiv praksis for inntak av elevar frå andre opptaksområde.

4 Kriterier for vurdering av full skule/trinn

Skulebruksplanen for skulane i Os kommune gjev kvar skule ein definert kapasitet. Kapasitet er fastsett med bakgrunn i skulen sitt brutto skuleareal. Det reknast ca. 10 m² areal pr. elev (ikkje inkludert idrettsareal). Skulane må tilfredsstillte Helsevernetaten sitt krav om minst 2 m² til kvar elev i klasserom og anbefalinga om minst eitt toalett pr. 20 elevar. Nokre av toaletta skal vere tilgjengeleg frå uteområda.

Skular kan òg vurderast som full på enkelttrinn, før skulen samla sett er full. Dette vil vere spesielt aktuelt der elevtalet på trinnet er høgare enn vanleg og der dette utløyser behov for areal som skulen ikkje kan dekkje.

Evna til å handtere overkapasitet i ein periode må vurderast i kvart tilfelle av rektor i samråd med fagsjef for skulane i Os.

Følgjande moment kan vere relevant i vurderinga:

1. Eventuelle godkjenningsvedtak gjeve i medhald av Forskrift om miljøretta helsevern i barnehagar og skular, samt [Opplæringslova § 9a-2](#).
1. Det totale talet på klassar og elevar ved skulen.
2. Talet på elevar i den aktuelle klassen, på det aktuelle trinnet og storleiken på aktuelle rom.
3. Talet på rom på skulen, inkludert spesialrom, grupperom og liknande.
4. Ei vurdering av kva type rom som kan brukast til ordinær undervisning.
5. Skulen sin bruk av den totale kapasiteten av rom gjennom veka («romtimeplan»).
6. Om skulen har vurdert høve for ein eller fleire klassar utan fast klasserom, såkalla «vandreklassar» eller «satellitklassar».
7. Om skulen har vurdert høve til å bruke 0. eller 7. time, eventuell anna forskyving av skuledagen, ein eller fleire dagar i veka.
8. Om skulen legg opp til spesielle undervisningsmetodar som stiller større krav til bruk av areal.

5 Kriterier for fastsetting av opptaksområde

Ved fastsetjing av opptaksområde er følgjande kriterier lagt til grunn:

- Geografisk avstand
- Topografi
- Særleg farleg eller vanskeleg skuleveg
- Historisk tilhøyrse
- Skulen sin kapasitet (dersom det er dokumentert at skulen er full)

6 Opptaksområde barnetrinn med endring frå skuleåret 2018/2019

Endring av opptaksområdet til Kuventræ barneskule, Os barneskule, Lunde barneskule og Halhjem barneskule

Som ein del av komande endringar i skulane sitt opptaksområde i samband med etablering av ny barneskule «aust om elvo» blir opptaksområdet for Kuventræ barneskule, Os barneskule, Lunde barneskule og Halhjem barneskule justert frå skuleåret 2018/2019.


Bakgrunn

Kuventræ barneskule nærmar seg full. For skuleåret 2018/2019 har ikkje skulen plass til alle elevane i opptaksområde. Os barneskule har betre kapasitet på 1. trinn og kan ta imot nokre fleire elevar. Halhjem kan få kapasitetsproblem samtidig som Lunde no har betra kapasitet.


Når ny skule «aust om elvo» står ferdig vil det bli ein endring av opptaksområda for Halhjem barneskule, Lunde barneskule, Kuventræ barneskule, Os barneskule og Hegglandsdalen barneskule. Denne endringa behandlast i sin heilheit i revisjon av skulebruksplan for Os kommune og regulerast av «Forskrift om opptaksområde i Os kommune» Desse dokumenta blir sendt til politisk handsaming vår 2018.

Opptaksområde for barneskulane

Kartskisse 1. viser opptaksområda for barneskulane, slik dei er i dag (vår 2018). Kartskisse 2 viser framlegg til opptaksområde for barneskulane etter at ny skule «au st om elvo» er ferdigstilt.




Figur 1 Kartskisse 1



Figur 2 Kartskisse 2

Halhjem barneskule og Lunde barneskule

Det er ei mindre endring i Lunde barneskule sitt opptaksområde. Grensa mellom Lunde barneskule og Halhjem barneskule blir trekt noko mot Halhjem. Med dette får Lunde barneskule litt fleire elevar.




Lysekloster barneskule

I framlegg til nye opptaksområde har Lysekloster barneskule ingen endringar opptaksområdet.




Nore Neset barneskule

I framlegg til nye opptaksområde har Nore Neset barneskule ingen endringar i opptaksområdet.




Os barneskule og Kuventræ barneskule

Opptaksområdet til Os barneskule tek opp i seg Kuvågen.




Søfteland skule

I framlegg til nye opptaksområde har Søfteland skule ingen endringar i opptaksområdet.




Søre Øyane barneskule og Strøno barneskule

I framlegg til nye opptaksområde har Søre Øyane barneskule og Strøno barneskule ingen endringar i opptaksområdet.



Ny skule Aust om elvo

Opptaksområdet tek opp i seg Hegglandsdalen skule. Elles Aust om elvo med unntak av Finnebrekka, Orrebakken og Gamle Finnebrekka.



Endring frå skuleåret 2018/2019

Endringa i opptaksområdet for Kuventræ barneskule, Os barneskule, Lunde barneskule og Halhjem barneskule er ein mindre justering som vil medføre endringar for følgande områder.

Os barneskule – Kuventræ barneskule

Det er adresser nærmast Os barneskule som i denne omgang blir regulert til opptaksområde Os barneskule, altså områder som har Os barneskule som sin næraste skule.

- **Områder som no skal høyre til Os barneskule**

Sveo, Osstølen, Holt og Holtbrekka, Kleivane 1, Midtskogvegen, Kolabakkane, Laksavegen, Stegen, Øyrsmoget, St Hanshaugvegen. Byvegen 70-78. Mobergsbakken 12,14, 16, 18, 30 og 32.

Lunde barneskule – Halhjem barneskule


Områder som no skal høyre til Lunde barneskule

- Halhjemsvegen, Kjeldevegen, Marivegen, Håvarsvegen

7 Opptaksområde ungdomstrinn

Opptaksområde for ungdomsskulane

I framlegg til nye opptaksområde har ungdomsskulane ingen endringar i opptaksområdet.



8 Vedlikehold/justering av forskrift kapittel 6 og 7

Det vil vere behov for å endre forskrifta enkelte år. Endringar kan skuldast at svingingar i elevtalet på ein skule gjer at desse ikkje har plass til å ta mot alle elevane som er innanfor skulen sitt opptaksområde. Behov for endringar kan òg skuldast endra arealdisponering/bustadbygging, endringar i infrastruktur, oppretting av nye skular eller nedlegging av skular.

Når det er behov for å endre opptaksområda, vil det vere behov for å endre kapittel 6 og/eller 7 i forskrifta. Dei endringane som blir foreslått sendast ut på høyring til rådsorgana ved dei skulane dette gjeld. Vedtak om endring blir gjort av kommunestyret. Av kapittel 6 og 7 vil det gå fram kva adresser/områder som tilhøyrrer opptaksområdet til den enkelte skule.

9 Sakshandsamingsrutinar

Tildeling av skuleplass er eit enkeltvedtak og skal handsamast etter reglane i forvaltningslova. Ved tildeling av skuleplass må det mellom anna gjerast klart at det er klagerett på vedtaket. Klage på tildelt skuleplass skal handsamast etter [§ 8-1 første ledd](#) i Opplæringslova, som seier at eleven har rett på skuleplass på nærskulen eller den skulen eleven soknar til.

Føresette kan søkje om at ein elev får plass på ein annan skule enn nærskulen. Ein har ikkje rett til å få plass på ein annan skule, men ein søknad skal handsamast etter reglane i forvaltningslova. Det er òg klagerett på avslag om skuleplass på ein annan skule enn nærskulen. Klage vil bli handsama etter reglane om nærskuleprinsippet eller reglane om fritt skuleval. Avstand frå heimen til dei aktuelle skulane og argumenta i klagen vil vere avgjerande for kven av disse to heimlane i Opplæringslova klagen blir handsama etter. Klagebehandlinga vil difor skje etter dei reglane som gjeld, uavhengig av om føresette har søkt om skuleplass på ein annan skule eller om dei har klaga på at eleven ikkje har fått plass på sin nærskule.

10 Ansvarsfordeling

Søknad om skuleplass på annan skule enn nærskulen eller den skulen eleven soknar til (fritt skuleval) skal sendast til nærskulen. Rektor på nærskulen tek kontakt med den aktuelle skulen for å undersøkje om det er plass. Har rektor plass vil den nye skulen sende vedtak om skuleplass.

Klage på vedtak skal sendes til skulen. Rektor kan gje medhald i klagen, eller sende den til Os kommune v/ Oppvekst og kultur. Om Oppvekst og kultur ikkje gjev medhald i klagen vil den bli sendt til Fylkesmannen i Hordaland for endeleg avgjersle.

Dersom det kjem fram av klagen eller måling av avstand mellom de to skulane, at klagen skal handsamast etter reglane om nærskule, skal klagen òg sendast til skulen. Skulen skriv ei grunngjeving for kvifor eleven ikkje kan få plass, jf. punkta i kapittel 4, og sender saka vidare til Os kommune v/ Oppvekst og kultur. Om Oppvekst og kultur ikkje gjev medhald i klagen blir den sendt til Fylkesmannen i Hordaland for endeleg avgjersle.

11 Vedtak om skuleplass for kommande 1. klassingar

Til vanleg vil alle som er registrert i folkeregisteret i Os kommune få vedtak om skuleplass frå sin nærskule i slutten av januar månad. Føresette har då 3 veke klagefrist om dei ønskjer plass ved ein annan skule. Etter klagefristen er ute vil alle klager handsamast samla.

12 Vedtak om skuleplass for kommande 8. klassingar

Nærskulen sender i slutten av januar ut vedtak om skuleplass til kommande 8. klassingar. Føresette har då 3 veke klagefrist om dei ønskjer plass ved ein annan skule. Etter klagefristen er ute vil alle klager handsamast samla.

13 Utsatt eller tidlegare skulestart

Føresette kan søke om utsett eller tidlegare skulestart for barnet.

Barnet vil først få ei sakkunnig vurdering frå pedagogisk-psykologisk teneste (PPT). Dersom dei sakkunnige er i tvil om barnet har kome langt nok i si utvikling til å starte på skulen, kan utsett skulestart vere aktuelt. For å få tidlegare skulestart må barnet fylle fem år innan 1. april, og PPT må vurdere barnet som modent for skulen.

Kontakt Os kommune om du ønskjer å få vurdert om barnet ditt bør utsetje/framskulle skulestarten. Ein avtaler tid for vurdering hos PPT. Når resultatet av vurderinga er klar, sender foreldra Os kommune ein søknad med grunngjeving for ønsket. Vurderinga frå PPT skal leggjast ved søknaden.

14 Vedtak om skuleplass for tilflyttande elevar

Elevar som kjem flyttande til skulen sitt opptaksområde i løpet av skuleåret får plass på nærskulen, med mindre det kan dokumenterast at nærskulen ikkje har kapasitet til å ta imot nye elevar.

Dersom ein skule blir definert som full, får elevar som ikkje får plass ved skulen tilbod om skuleplass etter følgjande kriterier:

1. Eleven får tilbod om plass på den næraste skulen med plass
2. Føresette vel skule som har ledig kapasitet

15 Vedtak om skuleplass utanfor skulen sitt opptaksområde

Som hovudregel skal elevene tildelast plass ved sin nærskule.

Kommunen kan tilvise elevar til ein annan skule enn nærskulen om omsyn til kapasitet gjer det nødvendig. Det skal takast utgangspunkt i kapasiteten på opptakstidspunktet. Elevar som kjem inn i opptaksområdet på eit seinare tidspunkt kan difor bli tildelt skuleplass på annan skule enn andre barn i nærområdet.

Elevar kan søke seg til andre skular enn nærskulen. Det er ein føresetnad at ordninga praktiserast innanfor gjeldande økonomiske rammer og ikkje utløyser behov for nye klassar.

Ved inntak av elevar frå andre opptaksområde skal skulane sin kapasitet og prognoser for elevtal leggjast til grunn for inntak. I opptaksområde til skular der elevtalsprognosene syner at det kan forventast kapasitetsutfordringar på sikt, må skulane gjennomføre ein restriktiv praksis ved inntak av elevar.

Elevar som søker om å få gå ved en annan skule enn den dei høyrer til, skal til vanleg få søknaden sin innvilga. Dette føreset at skulen har ledig kapasitet og elevsamansetninga elles gjer det forsvarleg. Føresette må dekkje skyssutgifter sjølv. Elevar i spesielt organiserte opplæringstilbod som får vedtak om skuleplass på annan skule enn nærskulen kan innvilgast skyss.

16 Byte av skule grunna adresseendring

Når ein elev skiftar adresse skal eleven òg byte skule, om eleven flyttar ut av skulen sitt opptaksområde. Etter søknad kan rektor innvilge at eleven får halde fram på skulen.

17 Utsetjing eller framskunding av skulebyte ved adresseendring

Om ein elev flyttar mot slutten av eit skuleår kan føresette søkje til rektor om å få behalde skuleplassen ut skuleåret. Føresette kan òg søkje til rektor om å få starte på ein ny skule når skulen startar i august, om det er planlagt flytting i løpet av tidleg haust.

18 Vedtak om skulebytte etter Opplæringsloven § 8-1 fjerde ledd

Ein elev kan i særlege tilfelle flyttast til ein annen skule enn den skulen eleven har rett til å gå på, dersom omsynet til dei andre elevane tilseier det. Grunnen til at ein elev kan flyttast, kan til dømes vere at eleven mobbar ein eller fleire medelevar. Før det blir gjort vedtak om å flytte ein elev skal ein ha prøvd andre tiltak. Når det er nødvendig, kan eleven flyttast til ein skule utanfor kommunen, men ikkje slik at eleven må flytte ut av heimen eller at skuleskyssen blir uforsvarleg lang.

Enkeltvedtak etter føresegna vil berre gjelde for ein elev, den eleven som blir flytta. Dersom det er aktuelt å flytte fleire elevar som mobbar, må det fattast eitt enkeltvedtak for kvar av elevane.

Fylkesmannen er klageinstans.

Det er ikkje krav om at det i alle tilfelle skal føreligge sakkunnig vurdering. Departementet skriv i [Ot.prp. nr. 44 \(1999-2000\)](#) at:

«Det er tilstrekkeleg at vedtaket er forsvarleg og er underkasta reglane i forvaltningslova om krav til enkeltvedtak. Departementet viser mellom anna til kravet om at saka skal vere tilstrekkeleg opplyst før vedtak blir gjort. Det må derfor vurderast i den enkelte saka om krava til forsvarleg saksbehandling krev sakkunnig vurdering.»

19 Skulegang i andre kommunar eller gjesteelevar frå andre kommunar

Skular kan gje grunnskuleopplæring til elevar som er folkeregistrert i andre kommunar. Om desse brukast ofte omgrepet «gjesteelevar».

Det økonomiske ansvaret for gjesteelevar er heimla i [Opplæringslova § 13-1](#) og [forskrift til Opplæringslovens § 18-1](#). Opplæringslova si forskrift definerer bustadkommunen, heretter kalla heimkommunen, som den kommunen der føresette, eller den av dei føresette som har omsorg for barnet, er busett. Heimkommunen er til vanleg den kommunen som har fosterheimssplassert barnet.

Vertskommunen er den kommunen der barnet går på skulen. Dersom det er barnevernet som har føretatt plasseringa, er det forskriftens bokstav b) som er heimelen for å krevje refusjon. For gjesteelevar som er plassert i barnevernsinstitusjon, er det fylkeskommunen der institusjonen ligg som er økonomisk ansvarleg. Etter denne paragrafen er heimkommunen forplikta til å betale grunnskulesats utan at det er inngått nokon spesiell avtale, mens ev. utgifter til spesialundervisning må avtalast spesielt. I nokre tilfelle blir barn adoptert av sine fosterforeldre og får varig adresse i den nye kommunen. Då er det kommunen der adoptivforeldra (tidligere fosterforeldra) og barnet bur som blir heimkommune, og eleven vil ikkje lenger reknast som gjesteelev i denne kommunen. I tvilstilfeller er det fornuftig å ta kontakt direkte med barnevernet for å sjekke om dei framleis har ansvar for barnet.

Heimkommunen skal betale for vanleg undervisning etter avtale. Når det er snakk om utgifter til spesialundervisning er det heimkommunen sjølv som skal fatte vedtaket om antal timar, jf. den sakkunnige vurderinga, før vertskommunen kan setje i verk spesialundervisning. Vertskommunen må på førehand innhente «avtale om opplæring, ressursavtale» frå den kommunen som har det økonomiske ansvaret.

Blir kommunane ikkje samde om kven som skal betale er det Fylkesmannen som avgjer.

20 Prinsipp ved endring av opptaksområde

Dersom ein skule blir definert som full, vil inntak av elevar skje etter følgande kriterier:

- Elevar med særskilte behov

- Elevar med søsken på skulen
- Elevar som bur lengst vekk frå alternativ skule

Dersom ein skule blir definert som full, får elevar som ikkje får plass ved skulen tilbod om skuleplass etter følgjande kriterier:

- Næraste skule med plass
- Val ut frå fritt skuleval

Sjå [Utdanningsdirektoratet sin nettstad](#) for meir informasjon.

21 Klagehandsaming

Tildeling av skuleplass er eit enkeltvedtak. Klager på tildeling av skuleplass skal handsamast etter reglane i forvaltningslova. Fylkesmannen er klageinstans dersom klagen ikkje får medhald i kommunen.

Elevar eller føresette kan klage på at dei meiner at eleven ikkje har fått plass på den skulen som ligg nærast eller ved den skulen som eleven soknar til. Slike klager skal handsamast etter reglane om nærskuleprinsippet, jf. [§ 8-1 første ledd i Opplæringslova](#). Det er Os kommune v/Oppvekst og kultur som handsamar denne typen klager i første instans.

Elevar kan søkje seg til ein annan skule enn den dei sokner til, jf. [Opplæringslova § 8-1 tredje ledd](#). Slike søknadar sendast til nærskulen. Skulen handsamar klagen dersom skulen gjev medhald i klagen. Dersom skulen ikkje meiner at klagen kan få medhald, blir klagesaken oversendt til Os kommune v/Oppvekst og kultur som handsamar klagen vidare.

22 Iverksetjing av forskrift

Forskrifta setjast i verk når det føreligg politisk vedtak . Forskrifta gjeld inntil ny eller revidert forskrift er vedtatt.